

財

政

乙巳年

錢銅銀公王

膏

幣元行債捐

MG
F872.952
26

錢

幣



3 2496 8422 0

中國貨幣之制實爲一大問題。余未至中國不能知實情如何。然國家貨幣制度有一定之原則。特此原則即陷入因逆之境。此則不可逃之事。實余可略述之。今日世界各國均用金本位。惟中國墨西哥及其他一二國爲銀本位。故今日銀價大落。中國受其損害不淺。欲救此弊非改用金本位不可。此爲不易之理。但本位問題於今日中國尙嫌太早。蓋本位問題者爲貨幣制度已定者而言。中國尙無貨幣制度。遽言本位不過空談無裨實際。今日中國所急者在豫備改用金本位豫備之法如何。首謀貨幣制度之統一而已。世界各國貨幣之亂雜無有過於中國者。各省得隨意鑄造奇矣。產銀之國而借用他國銀圓。近且通行他國兌換券。卽鈔票則更奇之又奇。夫貨幣者交通之媒介而國民生計之所託也。故非藉國家之感信則必不能流通。而無所阻滯。各省隨意鑄造凡成色不等重量不齊諸弊悉具國民之不信用有斷然也。至於行用他國紙券不惟有損於人民之愛國心。如他國以紙券易實銀。國民之精髓其不爲所吸取殆盡者。幾希。故中國今日不先統一幣制。此外諸問題殆無可措手者。統一之法在設中央造幣局及中央銀行而已。通貨必由中央造幣局鑄出。兌換券必由中央銀行發行。其餘各省一律停罷他國貨幣尤宜設法收回利權。循此而行則數年之後可以議本位問題矣。否則根本未立。祇益紛紜。雖今日即行金本位。余知其有虛名而無實際也。至今日銀價日賤。對外貿易雖屢蒙損害。然以余觀之。以中國之大。人民之衆。對外貿易不過居對內之一小部分。據赫德氏報告。每年外國貿易總額爲二億萬兩。此以知中國爲不全恃外國貿易之國。歐美各國大都全恃外國貿易。日本近年亦屢蒙入此境地。數年之內尙不致大困。惟價金一項今日大被損耗。然此爲一時之事。且不能以此紊亂治之次序也。余極望中國行金本位。惟願中國勿忘根本之改良而已。

財政處戶部會奏逾

旨設立天津銀錢總廠酌擬開鑄簡明章程摺

聖鑒事竊臣等欽奉

諭旨設立鑄造銀錢

奏爲天津銀錢總廠開鑄酌擬簡明章程恭摺仰祈
總廠業將建設天津緣由並勘定地勢籌商建造情形隨時
奏報在案查鑄造銀銅各幣必須購置合
宜機器官督督飭該提調等向天津瑞記洋行定購美國常生廠新式鑄造銀銅通用機器全份訂立
合同限期運津並由該提調等會同升任天津道王仁寶將全廠工程催趨建造嗣於本年春間工程修
造竣竣該洋行所定各項機器亦已催令陸續運齊督飭華洋工匠隨到即行安設現亦安配完竣當即
遴派員司招集工匠於本年五月初八日開機先行試鑄銅幣臣那桐臣張百熙於本月先後前往天津
覆加察勘各項機器尙屬靈便燈用廠房建造亦均如式惟機器原定每日可出大小銀銅各圓共六十
餘萬枚現時甫經試鑄機器未免生澀人手亦未熟諳出數尙少將來運用純熟自當日見增加除將全
廠房屋機器照成圖樣二分並鑄成銅幣四種已先行呈進外茲謹將酌擬簡明章程八條繕單進呈
御覽嗣後仍當由臣等督飭該提調各員加意經營因時籌畫一俟辦理稍有把握即當鑄造銀幣並
添購機器逐漸推廣以期仰副 朝廷整齊圖法通鑄宜民之至意所有銀錢總廠開鑄酌擬簡明章程
緣由理合恭摺具陳伏乞

皇太后

皇上聖鑒再此摺係財政處主稿會同戶部辦理合併聲明謹

奏光緒三十一年七月二

十二日具奏奉

旨依議欽此

謹將酌擬天津銀錢總廠簡明章程恭呈

御覽 一本廠係奉

特旨設立與各省所設不同

惟因運煤運料之便是以以前經臣等奏定在天津設廠現在廠屋業經造齊宜定名稱臣等公同商酌擬
命名曰戶部造幣總廠所造三品之幣即文曰大清金幣大清銀幣大清銅幣通行天下以歸一律 一
本廠之設原以整齊圖法本須鑄造金銀銅三品之幣惟圖法關係重要不厭詳求金銀兩種分兩成色
尙須通鑄定鑄而近年以來制錢短少京師當十大錢亦苦不敷行用是以擬先鑄銅幣現定銅幣計分
四種大者重四錢值制錢二十文次重二錢值制錢十文又次重一錢值制錢五文最小者重四分值制
錢二文成色均定爲紫銅九十五分配白鉛五分以上銅鑄成色均須配足鑄成之後仍隨時提出化驗
設有不符即應回爐重鑄俾免參差 一前奉 旨由戶部撥給銀四百萬兩作爲開鑄成本現在購

地建廠工料各費並購備機器銅鉛雜料即係由戶部隨時商撥其創辦員司匠役薪水工食係由財政處生息項下暫行撥用銅幣開鑄之後所獲餘利除本廠開支各項並留公積及花紅各一成外其餘全數提存戶部嗣後擴充鑄務增廠添機及需備鑄造金銀幣成本屆時需用款項仍由戶部照數撥給

一本廠鑄出銅幣自應先儘京師行用有餘再發行各省無論是否通行銅圓地方均可將本廠所鑄銅幣運往發行該地方官均應隨時保護飭令市面商民流通行用一切公款並須與制錢一律照收不得稍分畛域如有阻撓挑剔者即由財政處戶部查明參辦 一本廠鑄於戶部部庫調取銅幣搭放俸餉本應照成本核算惟本廠與各省不同各省不過戶部偶然調取本廠須供戶部常年之用若均照成本核算則局用薪紅將無所出且本廠除成本外餘利本係全歸戶部自無庸沾沾於此擬嗣後鑄成銅幣解交戶部搭放俸餉者即照戶部搭放扣回銀數作價以保餘利 一本廠事務重要必須在事各員實心實力方能日起有功勸懲之方不可不設查廣東吉林兩省因鑄造銀銅各圓獲有餘利業經該將軍督撫將出力各員擇尤保獎况本廠事屬創辦經費經營尤應酌定功過規條以昭懲勸擬請俟開辦二

北洋官報

第七百五十六期

三年後著有成效即將實在出力各員由臣等擇尤酌保其在廠不及二年者不得列入其有不甚得力之員則當隨時撤換備查有舞弊營私劣迹即行擬實糾參 一各省鑄造銀銅各圓所得餘利除近年有認解練兵經費並浦江工程外其餘多稱留辦地方新政之用作為本省外銷經戶部催令將詳細章程報部至今多未開報今本廠辦理各事出入均係部款經臣等飭令實用實銷自未便以歷來各省造冊報銷之成例相繩嗣後每屆年終應令該提調等督飭員司將該廠一年出入款項據實開具簡明清單報知財政處戶部由臣等覆核具奏以歸簡易而昭核實 一本廠每屆年終將鑄出銅幣收回款項除去銅鉛煤炭各項價值以及添修工程薪水局用各項支款外合計淨利若干分作十成提一成作為本廠公積一成作為花紅下餘儘數撥交戶部其所提一成花紅參酌各省章程以十之三分給提調各員以十之五分給全廠員司匠役以十之二分解財政處戶部作為飯食銀兩至公積一成仍按年列入公款作正開銷 以上各條係體察現在情形分別酌擬其餘未盡事宜或有應行增改之處當隨時斟酌損益奏明辦理俾臻妥協

北洋銀元局招考高等學徒示并章程

爲出示招考事照得本局於光緒二十九年十二月十七日詳奉 北洋大臣直隸總督部堂袁 批准附設圖算學堂添招高等學徒業經考選授課現擬照章添招第二班高等學徒以宏造就今將章程再爲曉諭爲此仰商民人等一體知悉如有聰穎子弟漢文明順願遵照後開章程來局報名聽候示期考試毋得觀望自誤切切特示 計開 章程十條 一此項學徒名爲二班高等學徒以三十名爲額先儘本廠員司工匠子弟中選擇不足再行外招 一學徒取年在十五歲以上至二十歲爲止以漢文通順身家清白體質強健者爲合格 一無論本廠及外招學徒考取後均須取具親族甘結及公正紳士或殷實舖保招狀方准入堂如有任情怠惰及不埶造就者即當隨時開除並將按月津貼追繳如因病或家有不得已之事故及實在資質不及告退者免其追繳 一學徒均歸家宿食每名由局中按月津貼洋二元所用書籍器具筆墨紙張統歸本局置備以示體恤 一學徒每日以半日在堂習課半日入廠習工 一學徒功課先教以應用算學及圖繪半年以後畧加淺近化學機理 一學堂每日上下班時刻及每月每年各放假日期並因事因病請假等情均照本廠匠徒章程一律辦理 一學期以三年爲限每年六臘兩月底考試一次三年期滿大考合平日分數統計其及格者給予卒業文憑不及格者分別留學或降充工徒 一學徒卒業得有文憑者酌給薪資派充各廠副匠目如果勤奮出力可漸次提升正匠目總匠目以至管廠司事委員以示鼓勵其給予薪資仍按照原定章程一律扣成代放銀行生息 一學徒既受本廠栽培卒業後應報効本廠供差以十年爲限在此限內非經本局允准不得另圖他就倘無故告退或故意犯罪被革均應追繳文憑並扣除存息薪資充公以杜取巧 以上十條係試辦章程如有未盡事宜隨時再行稟辦

○署江督周奏各省販賣銅圓流弊無窮亟應籌補救以維財政摺

奏爲各省販賣銅圓流弊無窮亟應籌補救以維財政恭摺仰祈

聖鑒事竊維各省鑄造銅圓本

爲補救錢荒非爲圖謀餘利開辦之初銅賤錢貴獲利頗鉅於是各省添鑄加鑄日日出多舉凡一切新政之無款舉行者皆指此餘利以爲的款即練兵處難提兵餉亦竟指此爲大宗如果行之無弊以之撥充軍需舉行新政豈不甚善無如出錢日夥錢價日低近日精會計者就中國已有之機核計出錢之數

北洋官報

一一

第七百十七册

歲可出銅圓一萬六千四百餘兆枚合制錢一百六十四兆餘串謂中國銅圓之價必大低落內外商務必受其困各疆臣非不知之徒以新政要需練兵鉅款束手無策不能不爲此權宜之計以顧目前近來又因銅賤錢賤餘利驟減不計市面盈絀一意擴充銷路紛紛外運互相擠跌而於各本省之窮鄉僻壤尙未徧行接諸補救錢荒之初意大相刺謬並於商務之轉輸實多暗損是僻遠之區未受銅圓之益繁盛之地先受銅圓之害即以江蘇一省論金陵蘇州清江三處已各設機廠所出銅圓足敷本省之用而廣東湖北浙江福建或委員設局運售或給照招商販賣皆聚於上海鎮江等處以致錢價大跌近年江南尋常市價每銀一兩易錢一千三百文現驟漲至一千四百餘文每銀圓一枚向易錢八百四五十文現漲至九百六七十文餘利既減新政之需練兵之費勢將無出官商兩困患在目前江南財賦以丁漕鹽貨釐金爲大宗向皆收錢易銀解庫錢價既落折耗甚鉅應提盈餘應交課稅損失實多賠款軍餉難望足數商販賄賂更難枚舉論者謂前因制錢缺乏錢價太昂故鑄造銅圓以補制錢之不足藉以維持銀價今銀價既漲而又嫌錢價太賤豈不前後矛盾不知鑄造銅圓原所以補制錢之缺若本省足用而尙屑出不窮錢少固荒錢多亦因盈虛消長之機斷難偏重過猶不及理勢然也若爲正本清源之計亟應妥定劃一幣制以垂永久惟茲事體大非倉卒所能議行今爲目前計惟有飭鑄造銅圓各省以本省所鑄供本省之用不准自行販往他口由各省督撫酌盈劑虛隨時消長如某省缺錢由缺錢省分委員前往購運於補救之中仍寓流通之意現在直隸山東兩省已禁他省進口誠屬不得已之舉江蘇事同一律應即援案暫禁進口以救市面論者又謂錢幣貴乎流通以中國之錢行銷中國之地未便各分畛

域且各省已備之鑄豈能存而不用不知各國圖法本有限制現在各省既以錢多爲憂莫出錢最多省
分不妨暫行少鑄庶不致漫無限制臣爲維持財政急救時弊起見相應請 旨敕下財政處會同戶
部迅速議定辦法通行各省遵照以維圖法而資補救是否有當理合恭摺具陳伏乞

皇太后

皇上聖鑒謹

奏奉

硃批財政處戶部議奏欽此

○蘇撫陸奏試鑄一等銅圓片

再蘇省前因制錢缺乏當經臣在蘇藩司任內詳准仿照閩省辦法請由江甯銀圓局附鑄當十銅圓分
批運蘇行用稱便旋因該局竊蘇蒙顧鑄造有限復經籌款購機在蘇自行設局鼓鑄未及開辦臣即奉

命署理漕督篆務所有開鑄試鑄緣由業經前任撫臣恩壽具摺

奏明續因蘇省款項支絀又經

前署撫臣端方於籌備練兵要需摺內請將已辦銅圓儘力推廣並復

奏明添買機器購地建廠廣為

鼓鑄俾資接濟在案臣伏查此項當十銅圓民間行使雖稱便利惟蘇省舊廠鼓鑄無多新廠又建造未

竣開鑄需時以致市廛行用仍慮不敷現經臣諭飭寶蘇局趕將制錢加工鼓鑄一面查照北洋章程飭

令舊廠添鑄一等黃銅圓每個當錢二十文銅質精粹輪廓完好與二等當十銅圓相輔而行以補制錢

之不足擬請先行試鑄俟行銷無滯再議擴充辦理除將試鑄一等銅圓式樣咨送軍機處恭呈 御

覽並咨部查照外理合附片陳明伏乞

聖鑒訓示謹 奏奉

硃批戶部知道欽此

○蘇撫陸奏蘇省收回當五大錢換給三等銅圓及制錢情形片

再蘇省鑄造制錢成本既重蝕耗亦多經前護撫臣效曾附片 奏明試鑄當五大錢酌盈劑虛無非為

便民起見嗣因市廛私鑄充斥商情疑阻臣到任後即據外府各屬電稟官私機雜行用不便滋事端

當於三月十三日札飭寶蘇局停鑄在案臣伏查官鑄當五大錢存積民間既有不便自當由官收回以

示體恤業經臣先從省城辦起飭令長元吳三首縣設局分期收換以免擁擠凡民間呈繳前項當五大

錢者一律換給三等銅圓如有零數並搭換制錢總期於民間無所喫虧現在省城已於五月初二日開

辦約俟六月間當可收竣此外松江常州等府屬亦已先後設局收換正在籌辦間適於五月初十日接

北洋官報

第七百八册

准戶部咨復以蘇省增鑄當五銅錢與部奏通行制錢定制不符未免紊亂國法斷難照准等因自應遵
照辦理除飭逾並咨戶部查照外所有蘇省收回當五大錢換給三等銅圓及制錢情形理合附片陳明
伏乞 聖鑒謹 奏奉 硃批戶部知道欽此

高陽縣職員田法宗等請飭鄰境各州縣示諭商民領用銅圓稟並批

稟爲通飭鄰縣領用銅圓以蘇商困而便周轉事竊北洋設立銅圓局所整頓圖法洵爲利國便民之道高陽迭奉札文嚴催領運職等自三月間遵諭先爲購運到境擬濟制錢之匱乏即以遠近通行不爲易地懸殊人多觀望縣城既高拾物價村鎮竟挾用制錢縣主雖預爲曉諭而鄰境之牽滯實無可如何刻下城鄉隔氣四境不通商民因之受困又蒙高陽距保定甚近舉凡軍需學堂販運米麵柴草等物往來出入概以銅圓相交易所以管垣之銅圓實注於高陽者尤夥奉行最早而行鎔無路以縣城最僻之地至壅積無限之銅圓實有積久難堪之勢因念圖法積弊委非銅圓不救而銅圓主用尤非推廣不行若推廣之區一有阻撓則全局皆滯如此不惟阻撓之地不行即已行之區亦牽連而受其害刻下領用之區業形梗塞凡觀望之地孰肯奉行職等籌思無計若非飭令該縣任邱安州各鄰縣凡納糧完稅買賣生意一律張貼告示迅速領運使用則集市之彫敝物價之低昂終無底止始而病商繼而病民不獨職等一邑之憂也所有職等叩懇通飭鄰封蠡縣等處遠行領用以便周轉銅圓等情理合公稟

官保大人批飭祇遵實爲恩公兩便

督憲袁 批查保定府屬行使銅圓前經分飭各該州縣勸諭各商領用並出示曉諭城鄉市面一體通行概照制錢作算不准稍有低昂亦不得因用銅圓高拾物價凡完納錢糧釐稅等事皆准一律抵用在案據稟各鄰境並未一律通行如果清真實於商務民生均有窒礙仰候分飭蠡縣任邱縣安州迅即出示曉諭商民人等一體照章領用不准稍有阻撓以維圖法此批

戶部奏請限制各省鼓鑄銅圓整齊幣制片

再理財以幣制爲樞紐幣制以整齊爲要義臣部遵 旨在津設立銀錢總廠卽專爲整齊幣制起見惟銅圓創行伊始先由廣東試鑄其後各省遞相仿倣以救錢荒現查開鑄已有十七省設局多至二十處若不定限制未辦者仍將援請已准者復議擴充鑄局益多更滋糜費錢品益難一律且恐私鑄因而混銷而洋銅以各處爭購亦將格外居奇漏卮益甚故上年政務處練兵處會議兩江總督魏光燾奏請添鑄銅圓摺內聲明此後鑄造銀銅圓皆由臣部主持以一幣制而重財政各省並不得紛紛設廠又查上年署兩江總督周馥奏歸併銅圓局片內亦聲明多一局廠多一煩費且恐各局所鑄成色參差於民用轉多不

北洋官報

第六百八十九號

便尤不可不加審慎等語是銅圓宜多鑄而不宜雜出所見正復相同臣等公同商酌各省已成之局勢難停廢應由該將軍督撫認真督造不得再行增設子廠此外未鑄銅圓各處概不得仿照設局如必須銅圓應用仍令籌款交鄰省錢局搭鑄運回行使其有地當衙要設局實在相宜應由臣部隨時察酌情形一俟天津總廠布置就緒再於上海等埠建立分廠以期艱若畫一逐漸推行至各省奏准之初臣部俱令按月造報迄今開鑄已久均未照辦實不足以重國法並請 飭下現已開鑄銅圓各省將軍督撫嚴飭局員按年彙報以省公牘而昭覈實並將鑄造行使章程迅速送部查核毋任宕延其已認提解練兵各費關係緊要仍令照數批解不得藉詞短欠是否有當謹附片具陳伏乞 聖鑒謹 奏光緒三十一年五月二十六日具 奏奉 旨依議欽此

黑龍江將軍等會奏江省鑄法壅滯設立公司開使紙幣摺

奏爲江省鑄法壅滯商力疲弱亟宜設立公司開使紙幣以資周轉而振商務恭摺仰祈 聖鑒事

維地方之盛衰視乎商務之消長商務之消長視乎財力之盈虛故歐美列邦國無大小莫不以擴商力爭利權爲第一主義近年 朝廷重視商政迭奉 諭旨飭令各省實力振興而商部深維至計訂

爲商律亦以公司一門爲官務之急可見欲靜商務以裨地方非厚集財力設立公司不可江省地處邊荒財力素絀自經庚子變後閩里彫殘鑄法做壞上下交迫尤不堪言奴才等仰蒙 恩簡來蒞此邦

目觀地方情狀岌岌不可終日之勢斯夕焦慮求所爲疏通提倡之方以期逐漸轉移力開風氣查吉林自年前因鑄法壅滯經前將軍延茂長順等籌撥庫款設立官錢局開使紙幣雖當變亂之餘而地

方藉以流通商情不至因做成效所著利賴至今奴才等略仿吉林成法悉以商部新章官商合股設立公司開使紙幣匯兌銀錢選貨物名曰廣信商務公司擬集股本銀五十萬兩作爲有限公司其辦法

擇選商人爲總董主持公司事務由官派員督察以杜弊混祇以財力所限一時難得鉅款暫先集股本

北洋官報

第六百四十二號

銀二十萬兩官商各半商股十萬兩招自本省商家官股則由荒價釐稅項下各籌墊銀五萬兩業已如數招足選派商董赴上海用西法印造精緻紙幣運來江省於上年冬間開辦一律行使凡租賦捐稅均准以紙幣交納無論何人持赴公司支取立以寶銀銀圓摺付民甚便之市面亦漸覺通利倘荷 聖

明廡庶東局早定此項紙幣日益暢行即官招足股本五十萬兩擴充辦理惟時方多故江省人需固未未能即見及此遠大規模一時尙難遽定容俟試辦一年後體察情形按照商部所定條款詳加移定再

行咨部註冊蓋據該商董等酌擬章程轉請奏咨前來奴才等覆加查核尙屬妥協謹繕清單呈 御覽合無仰懇 天恩飭部先行立案俾昭慎重所有江省設立公司開使紙幣以資周轉而振商務緣由除咨財政處商戶二部查照外理合恭摺具陳伏乞

皇太后 皇上聖訓示謹 奏奉

硃批該部知道單併發欽此

謹將酌擬試辦公司章程繕具清單恭呈

御覽

計開

一江省地處偏遠商力本微自經亂後尤

為艱窘加以錢法壅滯非設法提倡疏通不足振興商務裨益地方茲擬官商合股設立公司恭仿官銀

行辦法開使紙幣匯兌銀錢存借生息兼運輸大宗糧貨用以疏通國法提倡商情俾商民藉資周轉得

以隨時經營風氣日開商務漸可通暢地方因之富庶 一公司雖係官商合股然既以開使紙幣為基

礎振興商務為宗旨即應名曰廣信商務公司以符名實 一定為有限公司擬招股本銀五十萬兩因

江省財力素絀暫先招集二十萬兩官商各半每股銀一百兩作為二千股業已陸續招足如此後商資

暢旺擴充辦理可先期邀集股友公議添招免為財力所限但招足五十萬兩即作為永遠定數不再添

招 一所招股本無論官商每股給股票一張息摺一個如有入股較多願合領一票一摺者聽常年會

息五釐憑摺支取其付息日期每年自冬月起至臘月止付訖即填註取息摺尾 一股東如有將股票

息摺遺失或遇變損壞准隨時報明公司取具妥保再行補給若將股票轉賣他人亦須同至公司報明

登簿並將原給票摺上註明某年月日轉賣某人以備察考 一開使京錢紙幣自一二三五吊至千吊

五十吊一百吊共分七等周流通省無論官民隨時支取均以銀圓或現銀兌付不得稍有留難凡官府

經徵租賦捐稅准以此項紙幣交納以廣大信 一此項紙幣均由上海用西法印造工料精緻取有承

印字館保狀以防作偽此外如查有假造之人應照私鑄例從嚴懲辦以昭炯戒而杜流弊 一公司雖

以開使紙幣匯兌銀錢為主然既係商務無論何項貨物均可任便經營以廣利源 一公司設在江省

無論總分各司出入款項應均以江平計算以昭劃一 一公司既為疏通國法振興商務起見自應多

設分公司以冀推布總公司設在齊齊哈爾省城其省屬繁盛城鎮各設分公司並擬於吉林長春奉天營口

北京天津上海等處派人坐辦匯兌購運等事彙可探報行情考察商務以廣見聞 一公司雖係官商

合股實屬商務其辦事人等應均用商人官場習氣一概革除准須由將軍副都統派督察一員隨時稽

察凡公司之利弊商情之衰旺均由該員查明稟請督辦應需薪水公費由公司籌給 一公司既係商

務所有承辦人等均不用總辦名目總公司應用總董一人副董二人分公司各用分董一人主持公司

事務總副分董均由官商股東公舉以昭慎重其餘分辦各事如司帳書札以及諸執事人則由總副分

董量能收用惟須取具妥保總副分董及辦事人等均宜潔清自愛除應得辛工外不准透支分文以重

款項如有舞弊及虧空情事責令舉主保人賠補 一總董如才不稱職或徇私舞弊等情股東及副董

可隨時稟考據實剖論公議去留副董以下諸人倘有不守規則以及偷漏諸弊由總董查明輕則記過

特有之權中外古今均不准商民隨便鑄造今商人見銅圓利鉅多生覬覦往往請集商款鑄造名爲報効銀若干萬兩實欲侵奪 國家固有之利而分其少數以爲報効其心准在牟利何能顧及大局若准其鑄造必至爭競攪雜其弊有不可勝言者今各省官局既不准添設分廠更無轉准商辦之理擬請

飭下京外各衙門凡有商民請鑄銅圓者一律議駁並由臣等隨時查訪如有銀銅圓局暗撥商民股本者雖業經奏准之局亦飭令登時停辦以保利權 一戶部總廠鑄出各圓各省均應通用俟戶部銀行開辦以後所有總廠鑄出銀銅幣除戶部提用外所餘均交銀行承領釋各省制錢短絀之處可以隨時運往定價發行 一各省銅圓局創設之初鑄造不及往往購買日本鑄就銅餅一經印花便可行使看似便利然外洋人工費用皆資於我而造成銅餅邇來價值尙不甚昂貴則其成色分量之不盡如法可知况洋商販運之時不免夾帶多枚出售圖利易啓奸人私鑄之端現既擬將成色分量劃定一律且各省設局已久不至有趕造不及之虞總以自行鑄銅鑄造爲是是以臣等前經咨行各省禁止購買擬再請 飭下各省督撫禁止購買此項銅餅並由外務部轉飭稅務司凡有販運造成銅餅一律嚴禁入口以防流弊

財政處戶部會奏鑄頓圓法改歸一律酌定各省通行章程摺
奏為鑄頓圓法改歸一律酌定各省通行章程恭摺仰祈 聖鑒事竊臣等於上年四月間欽奉

諭旨建母銀鑄總廠鑄頓圓法當即在天津度地建廠購定機器現在機器安設完竣開機試鑄銅幣所有開辦情形業經另摺奏報惟總廠既經開鑄即應妥籌鑄幣劃一章程通行各省以期仰副 軫延鑄頓圓法裕 國便民之至意查中國鑄造銀圓始於廣東意在抵制洋圓鑄以補制錢之不足嗣後湖北江南直隸浙江安徽奉天吉林等省亦陸續購機鑄造惟以所鑄銀圓規模絕異成色分量又不免各有參差以致民間顯分畛域卅省所鑄往往不能行於彼省仍不如暹西哥銀圓之南北通行近年以來添鑄銅圓因制錢短絀民間樂於行用而鑄造之餘利又復甚鉅是以各省爭先請鑄紛紛不已然以自相爭競之故近來機器銅鑄價值業經見漲銅圓價值亦經見落若仍復自鑄自用各立門戶恐銅價各漲錢價益賤數年之後新幣充溢行銷不易必至漸虧成本且與各國新定商約已有立定一律國幣之條若任各省自為風氣恐於劃一幣制之意去之愈遠查各國金銀銅三種制幣多歸一廠鑄造其權操之政府考察市面流通幣數不足則增鑄有餘則暫停故能維持價值不致隨時漲落中國地廣人多

北洋官報

第七百五十七號

似非一廠所能敷用擬於財政處總廠之外再擇鑄造銀圓著有成效者酌留南北洋湖北廣東四處作為分廠鑄造銀幣卒銅幣一項現在各省尚未充足所有已設之廠不妨暫仍其舊惟照戶部前奏不准再有增添仍由臣等考查成色分量均令一律發行價值不得參差如有不遵此次奏章辦理者一面飭令停鑄一面將經手人員奏參至各省鑄幣必須隨時斟酌損益俟所鑄足數應用由臣部體察情形飭令暫停各該省即應照辦不得以尙須籌款藉口如此則鑄造不致過多聲氣可期聯絡仍與一廠無異茲謹就臣等擬議所及酌定章程十條恭呈 御覽如蒙 俞允即由臣等行知各該省遵照辦理所有鑄頓圓法酌定章程緣由是否有當理合恭摺具陳伏乞

皇太后 皇上聖鑒訓示遵行謹 奏光緒三十一年七月二十二日具奏奉 旨依議欽此

謹將鑄頓圓法酌定章程十條恭呈 御覽 一現欲整頓圓法統歸一律擬請銀幣一項俟定准分量成色專由總廠鑄造仍留南北洋廣東湖北四局作為分廠由總廠發給樣模成色分量花紋均須一律每批鑄出銀幣抽出數元彙解財政處戶部派精通化學人鑄化考驗成色之參差分兩之輕重

均不得逾百分之一如有不符即將所鑄銀幣重行鑄化改鑄仍將經手之員分別參辦除總廠係財政處辦理外其南北洋粵鄂各局並由財政處戶部遴派廉幹委員前往稽查以昭鄭重 一銅幣較銀幣稍可從寬擬將各省現在業經開辦之局暫行留辦但准就現在所有機器鑄造不准添機增鑄其未經奏准者均不得再請設局鑄造銅幣成色用九五紫銅五釐白銀用點銅錫一釐者聽分釐定准當二十者重庫平四錢當十者重庫平一錢當二者重庫平四分由戶部頒發祖模均與總廠所鑄一律惟於正面加鑄省名一字以便查考每次鑄出均須呈送財政處戶部化驗並由財政處戶部隨時遴派委員前往稽查如有不遵奏定章程者即時令其停鑄並限令將發出各圓收回銷燬一鑄幣所以便民若多鑄當十當二十兩種民間購買零星物件不能分析殊為不便是以戶部總廠所定章程有當五當二兩種銅幣以資補助今擬定立限制各省局每日所鑄銅圓以十成計算約鑄當十者五成當五當二者各二成當二十者一成其當二以下則以舊有制錢搭配應用 一鑄幣之數必須酌劑盈虛以民間需用之數核計方能保其價值若鑄造日多價值日落商民藏儲必多虧折是便民者轉而厲民嗣後各省所鑄銅幣應令該省所設官錢公估等局酌量市面情形定價隨發隨收持之以信按照所鑄常制錢數日與制錢一律行用不准市儉把持出入減折亦不准鑄局爭利減價發行至市面銅幣有餘即應遵照部議停鑄 一各省所鑄銅幣應令先儘本省制錢短少之處發行不得大宗販運出省致令他省有充斥之患若各省需用銅幣則可備價至總廠領取其邊遠省分准交鄰省局廠代為鑄造運回本省應用 一各省已設之銀銅圓局即由該督撫將原購某國機器件數內有印花機器若干部共需價值若干建造廠房價值若干以及現在共用員司若干每日工作若干時共出銀銅幣數目若干限三個月咨報財政處戶部一次嗣後應將購買銅鉛等料價並一切局中經費各款若干除淨實有贏餘若干按年詳細造報一次以憑比較考核 一總廠將來鑄造銀幣需用銀兩甚多若皆由部庫請領往返運解腳價過鉅擬請俟銀幣酌定鑄造之時由戶部於解部京餉內擇其銀兩成色素足者派定數省行令嗣後京餉解天津交造幣總廠實成該廠提調等員充收清楚即日備文報知戶部由戶部限期印發批廻仍寄本廠發交委員至戶科江南道本有稽查京餉之責此數省餉銀既改由天津兌收應將舊例量予變通核實辦理以後戶科江南道毋庸由解員隨時呈驗廻批以免守候而昭簡捷惟稽查京餉關係甚重每屆半年應由戶部將造幣總廠兌收各省餉銀數目行知戶科江南道各該省督撫亦每屆半年咨報一次以便彼此核對庶稽考愈昭嚴密而舊例亦不致紊亂矣 一鑄幣乃 國家

銅

元

長蘆運司津海關道北洋銀元局會詳遼瀋外省銅元入口辦法文並批

北洋官報

第七百十二册

為會詳事照^{本司}等本年六月初二日奉 憲台札開五月二十六日准 外務部咨據總稅務司呈

以直隸飭禁銅元進口之事希即酌示以便遵行等因到部查各省銅元均思推廣直隸禁止外省銅元

入境係據山東成案究竟應否禁運抑或另行設法維持應由財政處戶部南北洋大臣統籌全局妥

定辦法以免無益於國法而有妨於關務除分咨外相應咨行查照酌核聲復以便轉飭總稅務司遵照

札飭^道等會同妥議具復以憑核咨等因奉此^{本司}等遵即會同妥議伏查北洋禁運外省銅元實因外

省所鑄成色不一其鑄行之價亦復參差不齊在彼口雖由官運而至此口率經商民賤販而來得利爭

售以致擾亂市面敗壞國法勢不能不暫行禁止查外洋各國國家皆有貨幣制度凡金銀銅各幣成色

及發行價格均有一定律例不得稍有參差中國今日各省所鑄銅元成色價格均各自為政全不相謀

北洋自開鑄以來均照奏定成色並執定官制錢十文之議定價不稍折扣而外省乃以質雜價賤之銅

元來此充斥不願當十為何名義致令民間富九富八疑懼叢生弊端百出是不待外人進言亦應設法

整頓况新約已有立定一律國幣之條似更宜早為籌畫惟茲事體為 朝廷法度所關非外省所能代

謀必須 財政處 戶部統籌全局將各省鼓鑄銅元先定明一律成色然後定劃一發行之價著為律

令隨時考驗不准率行摻雜任意低昂如此則有益於國法無妨於關務中外商民咸稱利便所有違飭

會議外省銅元入口安定辦法錄由是否有當理合具文會詳仰祈 憲台鑒核轉咨 外務部查照實

為公便為此備由具詳伏乞 照詳施行再此案係屬銀元局主稿合併聲明 督憲 批據詳外省入口銅元成色未能一律現經該司道等會議欲求畫一辦法必須由 戶部

統籌全局將各省鼓鑄銅元先定明一律成色然後定劃一發行之價著為律令庶於國法關務均有

財政處 戶部 酌核辦理並咨 外務部查照

督辦銅貨海關道禁止外省銅圓進口札

為札飭事准 浙江巡撫部院委案據浙省製造銅圓局司道詳稱本局鼓鑄銅圓出數日多應廣銷路近有販賣商屢次來局請銷按照市價領兌銅圓運送別省行銷自應准其免運請賜刊領是項護照給領轉運以免帶途關卡習難阻滯並請札飭杭州關一體遵照等情到本部院據此除分別咨

北洋官報

一一

第百四十五期

行外合將護照格式咨送為合咨貴部堂請煩查照轉飭各關卡隨時查驗放行施行等因准此宣經本大臣電復云查北洋銅圓送經道 旨廣充鼓鑄推廣行用直隸風氣未開尚苦未能暢行現正飭

令各州縣廣鑄銷路甫有端倪倘有外省銅圓侵入則本省所鑄必致滯銷舍已從人殊多窒礙茲援山東成案所鑄本省銅圓外省所鑄概不入境等因除分行外合行札飭札到該道即便遵照凡有外省銅圓入境概行禁止進口等札

●禁止私運銅餅辦法。

駐日本楊欽使與日外部商議禁止私運銅餅以杜私鑄業經日外部酌定辦法三條照錄如左 一本件辦法自切實施行之後所有貴國政府及各營撫遇有應行知照之處幸勿

疏忽遺漏不然則承辦贖物之日商本係公正交易轉致無辜耗折至於貴大臣知照本大臣願將銅餅

放行等件務將銅餅出口之斤數及運出口岸承辦人名並一切關繁事項統乞詳細示知 一本件設

法查禁原與我國出口貿易有所窒礙而我國並不顧此實因貴國之便勉力照行以副尊囑假令貴國

偶向別國定造銅餅其承辦之國又不照我國一律例禁之時則被猜奸商因我國有干例禁必將舍此

而就彼以資其私鑄之方殊難逆料在貴國政府原為豫防私鑄起見苟有似此情事不但我邦之商務

難免吃虧亦與貴國之辦法不合屆時務向我商購辦及嚴禁私貨進口以杜華商密向他國定製銅餅

之弊 一本件辦法施行之後即使公正立約所定之物如未接到貴國政府知照公文之先概行禁止

出口以歸一律凡屬現時貴國官定之物應煩詳查迅賜示知為望

○北洋銀元局遵飭核議銅元辦法詳文並批

為詳復事竊照職局於光緒三十一年六月十四日奉 憲台札開准 欽命會同戶部辦理財政事宜王大臣咨准 外務部咨撥總稅務司申以直隸禁止他省銅元入境究竟應否禁運抑或設法維持咨行酌核等因前來查鼓鑄銅圓原因各處流通以補制錢之缺乏豈宜互相禁遏惟各省所鑄成色模式既非一律整齊即不得作為國幣現本處在天津奏設總廠專為整齊幣制務使鑄造各圓成色模式毫無參差乃為一律之國幣嗣後各省成色鑄工果能一律整齊與本廠鑄成國幣無殊自應准其流通各省不得稍有禁遏究應如何設法維持不使價值漸減之處應即咨行南北洋大臣統籌全局議定辦法彙送財政處戶部駁定辦理以重國法等因札局迅速妥細核議具復等因奉此遵查此案前奉 憲札准 外務部咨同前由飭局會同陸運司梁開道妥議業於本月十一日詳復在案茲奉 財政處咨謂各省成色鑄工果能一律即准通行而未議及發行之價是否劃一此中流弊仍恐滋多揆之國法實為缺憾伏讀原咨首言銅元以補制錢之缺乏是銅元與制錢必當視同一律而現在各省銅元與制錢價

北洋官報

三

第七百十六册

相懸殊按現在直隸制錢易銀每兩僅一千一百數十文而外省銅元入境竟作一百三四十枚是使當十之名義全失無怪民間有當九當八而國幣幾同私貨偷不禁止必致銀價紛歧物價騰貴奸商大施盤剝平民隱受虧耗似非所以整齊幣制之道應仍請比照制錢嚴定劃一發行之價著為律令隨時考驗鑄法固不准率行攙雜發價尤不准任意低昂庶足以維國法而便商民所有遵飭核議銅元辦法緣由是否有當理合具文詳請 憲台鑒核轉咨 財政處查照實為公便

督憲袁

批據詳已悉仰候分咨

財政處

查照繳

○ 騰橋縣行使銅圓請批示立案稟並批

敬稟者竊查前奉 憲檄以近年制錢短缺銀價低微令即傳諭商號赴津領運銅圓抵作制錢通銷市面不准阻撓抑勒擡價居奇以維國法而資銷流等因當經卑前署縣譚令彛振出示曉諭傳商籌議嗣因日久未獲撥覆又經添派紳董管行催勸未及開辦譚令旋即請咨赴引暫行卸事卑職到任接准移交察看街市情形制錢奇絀商民交困若不流通銅圓勢必益形蕭索違復查案傳商反覆開導並允以官爲設法保護決不使致喫虧旋據本城當舖錢行寶燻鍋等業衆商來案稟稱謂伊等現已公同議妥情願借備銀兩赴津領用惟開城向章每制錢八十一文卽爲東錢五百之數今若行使銅圓究應如何找零理合稟請示遵等情隨經卑職彙公核擬凡從前所出錢票赴櫃易換現錢者每東錢五百文准以當十銅圓八枚再找制錢一文換給一面卽將原票銷號若不遞銷者應在票上加蓋找訖圖記一方以免將來爭擾如出示之後新出票據與夫業經找過各票每東錢五百文卽以當十銅圓八枚或當五銅圓十六枚易換一概不再找零至當舖架號亦以告示坐日爲界凡示前收當各貨均爲舊號民間回贖每東錢五百文應仍按制錢八十一文找其零數其示後收架概作新號統以銅圓贖取亦皆毋庸找零以歸劃一而杜爭端仍嚴禁地棍奸商從中阻撓以及高擡物價庶圖法有所維持市面賴資周轉茲於四月二十日業已出示張曉一停開用體察商戶居民均尙稱便並無違抗除呈明 山海關副都統傳飭各旗一體遵照並移巡警營隨時彈壓免致事端外所有開辦緣由理合稟請 官保查核俯賜批示立案並請通飭籌款官監各分局暨車站關稅准抵制錢作用實爲公便

督憲袁 批據稟已悉銅元所以輔制錢之不足自應一停通用前經通飭遵照其理甚明並非行用銅圓卽停使制錢也該縣誤會遂有舊票東錢五百文准以當十銅圓八枚再找制錢一文換錢之後卽行銷號如不銷號卽加蓋找訖圖章新票概不找零等辦法是直明示以銅圓制錢判然兩事倘銅圓領運無多不敷分布將何以濟錢荒實屬不明事理現在永平各屬行用銅圓者甚多從無如此辦法總之該縣祇須認定每當十銅圓一枚卽係制錢十文如東錢以制錢八十一文爲五百卽係銅圓八枚制錢一文推而至於十百千萬皆照此折算何必分新舊票又何必加蓋找訖戳記耶至民間持票

取錢或給制錢或給銅圓悉聽鋪戶之便民間購物或用制錢或用銅圓亦聽民間自便俾制錢與銅圓二者相輔而行庶市面足資周轉仰即遵照辦理並候分行籌款局暨永七鹽務局關內外鐵路局一體轉飭遵照繳

銀行

川督錫奏川省創辦銀行酌擬章程摺(續昨報)

一銀行雖係紳 國裕商而專作川省滙兌公款固係公家自有之利權然終不免奪票商之利擬俟核定章程仍約各票商承認商股以示均利之意如該票商實不欲與官家共事再由銀行自行招股一向來各票號領兌公款係分成攤派如有某號停買退領者即以其應領之成數或勻分各家或改併一家承兌現在銀行領滙公款二成尚有七成仍歸各票號按照成數公攤嗣後如有票號退領公款即將該款歸併銀行領滙庶公利逐歸公而於票號亦無所損 一凡官家滙兌各處款項及存放公款均應按照商號時市公平商議不得以係官商合辦輒用官勢欺壓 一無論官商股本每銀一千兩作為一股給票一紙隨息摺一扣按年五釐給息以便到期繳摺付利如有將股票摺遺失轉賣與他人者尋保報明 一三聯股票者以存根存總號備查存摺庫股票給股東收執均蓋用司印銀行關防暨本行圖記以昭信守 一銀行擬行用千兩五百兩二百兩一百兩五十兩二十兩十兩四兩三兩一兩十釐銀票通行本省凡地丁津捐鹽課關稅釐金交庫兌款全准搭用不拘成數不及一成者不收此項銀票均准持票赴重慶成都兩處隨時支取現銀 一銀票發行務期通行遵用備關所司卡官吏稍有阻撓致礙便民之舉查出定即稟明懲處 一銀行既行銀票應將股本專存開發銀票之用不准挪作他用以昭信實 一不論總分各號執事人等俱用股實公正有安保商人不准賄徇濫舉 一各號帳簿無論流水總帳均由總辦鈐蓋關防發給不得私自更換 一出放各款應以三月六月至一年為率不得期限過遠即有以本號股票押借銀兩者其息應照官息略加至遠亦以一年為限逾限不繳者股票扣留作為公股 一存款無論多寡無論何人借款或以貨產作抵或憑字號往來到櫃公平商議不准用官勢欺壓以期平易近人通行無滯 一以一年為帳期所得利益除報効官息支用外分為十大股以三股作為人力股俸又分作十股按照資格勞績由總辦會商總號派給號中執事人承股仍可隨時接以功過分別升降以一大股作為公積其餘六大股按各股攤分每股得利准以七成提用三成存號存號之款一釐行息以厚財力如有撤股者即將本息一併付清 一每年帳期以三月十五日為定 一每至帳期開具四柱清冊每股得利若干登諸報章牌示號門俾眾共知 一股友每至帳期准其看帳有股本十股以上者准其建議善者必從以期盡美盡善 一所定章程如有隨時變通原可官商商辦儻改章不善准股東隨時繳股官不抑勒 一股卓如有用項未到帳期執持股票支息者亦可酌量

支付准照官息取利到期本息扣還如股東遠在他省所得股利可由銀行滙交概不取費 一股東撤
股願將股銀移交他省者亦可照辦惟須減付兌費以示關顧之意 一銀行開辦之後擬將重慶銀圓
同歸併銀行彙辦以一事權而節糜費 一查戶部議設銀行原奏因恐功廢半途仰懇 天恩主持
於上旋直隸擬辦債票復經奏奉 特旨作為永遠定案備違章失信從嚴治罪誠以財政至重且要

北 齊 官 報

一

第 百 一 十 七 號

商情易渙難孚必須安定章程始終遵守方足以昭示大信克底成功以上章程應請 鑒定後飭部
立案俾可永遠遵守 以上各章如有未盡事宜及前後情形互異須略為變通者均應隨時斟酌損益
以臻完備奉 硃批覽欽此

貨幣問題。現世紀經濟問題中。最重要之一也。各國之政治家實業家。解釋論辨。斷斷不已。要其指歸。在研究近時金銀價格之變動。自十七世紀中葉。至距今三十年前。二百年間。不過二五之比例。近歲激變。金漲銀落。比附交易。日以懸隔。溯其原因。宜從供給及需要二端考厥之。

十九世紀以來。烏拉爾。西伯利。加利。南尼亞。澳洲等。發見非常豐富之金礦。產額大增。流轉歐美。闔市充闐。然近代進步。無聞焉。而銀額自十八世紀。採治豐厚。增力甚急。中間稍見減退。及合衆國西部新鑛出。而產數益進。且金鑛產率。無規則。未易發達。銀則不然。故銀之供給於世界者。衰以大盛。

若夫需用之方面。金貨所以增加者。由歐洲諸國。通用金本位。而排斥銀也。其他美術工業之進步。金類藝術品益夥。故金價次第騰貴。銀貨之質性。需用無所加。惟以東方貿易之故。歐洲用銀特繁。東洋銀貨。國吸收之額。一時稱盛。自頃以來。日有衰減。且用銀之工藝品。恒不敵金類之多。金銀比價。益大變矣。昔巴。黎。開。萬。國。貨。幣。會。議。某。氏。謂。諸。國。政。府。慮。銀。價。下。落。而。排。斥。銀。而。銀。價。益。落。此。關。於。單。複。本。位。之。得。失。姑。不。具。論。今。試。舉。諸。國。對。金。銀。比。價。之。政策。及。萬。國。貨。幣。會。議。之。起源。簡。易。說。明。焉。

五十年以前。採金本位者。惟英。吉。利。布。勒。門。二國而已。英國於一千七百十七年。依造幣局。

北洋官報

三

第百四十七冊

長尼。頓。之。意。見。定。金。銀。之。比。價。置。金。價。於。時。值。以上。銀。貨。輸。出。海。外。獨。金。貨。流。通。國。中。後。百。

年而始探用金單位制。四十志以上專用金貨不許以補助費授。德國至一千八百三十八年用平行本位。卽於銀貨本位之外。以若干分鑄造金貨。不以法律干涉之一任市價。而使之流通也。是年開稅同盟諸國。同結條約。採用銀單位制。凡鑄造金貨及流通之規制。悉聽各邦自定。五十七年一月結貨幣條約於維也納。使德國全爲銀單位制。且與奧匈國得幣制之畫一焉。未完

川督錫奏川省創辦銀行酌擬章程摺

奏為川省創辦銀行酌擬章程恭摺仰祈 聖鑒事竊維貨幣貴乎流通利源期于開廣泰西各國以商戰雄視環球莫不有總滙財政之區以為樞紐其力既厚其用自宏故雖越數萬里而遙創制經營財用不虞虧乏方今戶部奏請設立銀行各省亦多次籌辦藉以維持財政擴與商業實為今日迫要之圖川省年來撥款迭增每年京外協餉新舊償款為數甚鉅多由商號承滙其進期之遲速運費之漲落一任居奇操贏且際茲銀緊錢荒本省出入款項亦復周轉不靈官商咸以為昔銀行為財幣總滙之所自應亟籌與辦以裕財源當經營同司道一再籌商擬由司庫籌撥銀三十萬兩另招商股二十萬兩共合官商股本五十萬兩先於成都重慶兩處開設銀行並以股款試行大小鈔票無論鹽糧釐稅一切交納公款均准搭用所有股銀專備支發票項不准挪作別用俟根基穩固再行分設京津滬漢等處以期展拓規模擴充利益惟茲事體大創辦維艱必須有熟諳商務結實可靠之員方能勝任查有奏調山西候補知府周克昌堪以派充總辦專司其事並飭藩司督同辦理妥議規章俾垂久遠而資信守茲據布

北洋官報

第六百六十六册

政使許涵度條擬章程詳請 奏咨立案前來除飭俟股款籌齊刻期開辦仍將未盡事宜隨時體察情形妥慎辦理並咨部查照外理合繕具清單恭摺具陳伏乞

皇太后 皇上聖鑒敕部查照立案施行謹 奏奉 硃批政務處戶部知道軍機處欽此

謹將川省設立銀行章程繕具清單恭呈 御覽 一設立銀行牌名濬川源開通川省利源之義

一銀行係為維持四川財政而設應由藩司主政即委該司為督辦另派廉勤明幹通達商務之人為總辦籌畫專理一切事務 一刊給關防一顆文曰四川官銀行之關防專備公文造冊報銷及股票銀

票鈐印之用 一銀行擬在重慶成都先設兩號俟根基穩固再行展設京津滬漢各分號及內地繁盛碼頭以期流通無壅 一銀行遵照新章呈報商部每年酌提若干俟一年期滿酌定數目報効 公案

屆時詳明咨報應請照例保證 一銀行作為官商合資有限銀行倘有虧折不於股外另有攤派以二十年為限滿期續作隨時聲明 一現在戶部奏設京師總銀行各省尚未分設茲川省由官商公同合

股開設銀行所有戶部擬設之銀行應仍候該部另行核辦即使將來官股獲利或願附入戶部銀行其商賈願否隨入應聽自便不為抑制 一凡有行中應作之事由總號執事商同總辦辦理其關緊緊要

事件仍應分稟總督藩司核辦 一銀行既不沾染官派總分各號均由總號自行刊用圖記不用關防
一川省每年外兌京協賠款各餉擬以三成歸銀行七成歸各票號承兌於挽回利權之中仍寓體恤
票商之意 一川省不論何處何項正雜公項巨款銀行但有就近濟商用項准稟商藩司飭撥惟一經
鑑定銀行即應定期備款代為交納以期官商交益 一川省派員在上海購辦機器軍裝銅斤等件所
有滙申各款分歸銀行分領滙存上海分行俟該委員到申隨時取用 一川省應解上海出使經費如
啟交由銀行領滙 一現在籌辦鐵路將來存放撥充款項更與銀行為輔所有鐵路出入款項酌歸
銀行分辦以免利權旁溢 一官商隔閡勢成冰炭故一言合辦動色相戒今銀行商股無論官商紳民
均准入股並勸令川省大小官員酌量入股以資提倡庶商股可期踴躍

(未完)

川督錫奏川省創辦銀行酌擬章程摺(續昨報)

一銀行雖係紳 國裕商而專作川省滙兌公款關係公家自有之利權然終不免奪票商之利擬俟核
定章程仍約各票商承認商股以示均利之意如該票商實不欲與官家共事再由銀行自行招股 一
向來各票號領兌公款係分成攤派如有某號停買退領者即以其應領之成數或勻分各家或改併一
家承兌現在銀行領滙公款三成尚有七成仍歸各票號按照成數公攤嗣後如有票號退領公款即將
該款歸併銀行領滙庶公利逐漸歸公而於票號亦無所損 一凡官家滙兌各處款項及存放公款均
應按照商號時市公平商議不得以係官商合辦輒用官勢欺壓 一無論官商股本每銀一千兩作為
一股給票一紙隨息摺一扣按年五釐給息以便到期憑摺付利如有將股票股摺遺失轉賣與他人者
尋係報明 一三聯股票者以存根存總號備查存總庫股票給股東收執均蓋用司印銀行關防暨本
行圖記以昭信守 一銀行擬行用千兩五百兩二百兩一百兩五十兩二十兩十兩四兩三兩一兩十
種銀票通行本省凡地丁津捐鹽課關稅釐金交庫兌款全准搭用不拘成數不及一成者不收此項銀
票均准持票赴重慶成都兩處隨時支取現銀 一銀票發行務期通行遵用儘關所屬卡官吏稍有阻
撓致礙便民之舉查出定即稟明懲處 一銀行既行銀票應將股本專存開發銀票之用不准挪作他
用以昭信實 一不論總分各號執事人等俱用股實公正有妥保商人不准賄賂濫舉 一各號賬簿
無論流水總帳均由總辦鈐蓋關防發給不得私自更換 一出放各款應以三月六月至一年為率不
得期限過遠即有以本號股票押借銀兩者其息應照官息略加至遠亦以一年為限逾限不繳者股票
扣留作為公股 一存款無論多寡無論何人借款或以貨產作抵或憑字號往來到櫃公平商議不准

戶部奏洋藥土藥害人耗財擬嚴定分年禁法畫一辦法摺

奏爲洋藥土藥害人耗財擬嚴定分年禁法畫一辦法恭摺仰祈 聖鑒事竊自洋藥之毒已深土藥

之禁已弛始圖抵制終至氾濫內而年增數千百萬無形之惰廢外而年鑠數千百萬立罄之脂膏

國計民生兩受其害故中西智士咸謂中國欲爲自強計爲致富計均非禁煙不可然一禁則百難畢集

從前雖與印度議允分年漸減然不先定自禁土藥辦法難與重申前議禁土藥辦法莫要於由官熬膏

擬准吸准買之權日本治臺灣卽用此法印度係民種官收不予民以自由且每歲藉此籌款約得二千

餘萬中國果照此辦理原可不憂貧弱雖辦法有次第不能一蹴而幾亦絕非不能辦到之事曾以此與

各省官商籌議咸以得私爲難是誠然矣臣等請剖析言之以熬膏作將來究竟辦法欲熬膏先造餅欲

造餅先收漿欲收漿先查畝今請以查畝爲禁煙第一辦法查畝之法山西行之數年民已帖然山東近

亦仿行允宜推是法以通之各行省如江浙等省尚不種煙及種煙無幾者概行嚴禁私種其四川雲貴

北洋官報

第五百四十四册

陝甘豫鄂奉吉黑各省及江蘇之徐州湘鄂之近川黔各屬向來產煙不能驟禁者先宜查故山西辦法

係令種煙戶報明鄉地報明地方官地方官親往履勘報之上司上司委員履勘抽查雖不能無遺

亦十得六七他省情形或不同今擬益之以領票之法稟用三聯一存一發一解省註明煙戶姓名及畝

數坐落管撫一面據稟造總冊報部一面委員抽查有無票而私種與有票而數不符者重予罰征并出

示曉諭次年不種准繳票如有水旱准勘災且復變通山西舊法僅查畝不加畝稅並嚴禁鄉地之需索

差役之騷擾俾煙戶例納額糧外毫無畏累成願以地畝報官官得據冊票以估定產土之數土數既可

估定夫然後可以收漿可以造餅收漿之法行於煙戶割漿之後先期一月令土商持銀交局畝若干漿

若干預先估計以爲收銀之限屆期官以冊票考核煙戶如有藏匿則重罰其留漿自食之戶令加一倍

補繳局中應提銀數不繳亦重罰其售漿之價值視歲之豐歉與漿之優劣隨時估定一如各牙行經紀

之銷售客貨毫無欺隱留難如或銀少土多則將餘土掛號俟銀至時依次出售凡土漿售銀一兩局提

二錢二分以二錢解司庫以二分充局用局設州縣署旁卽以州縣官主之或擇境遠關則委人設分局

而仍以印官督之所以專任印官者因其管理便廉費少以爲辦理收漿必無流弊 (未完)

由是而造餅首在州縣官察餅工勿許夾私勿使作偽如土商欲自搵土料則須呈局驗明不得私交餅工致有弊混至餅成付之土商黏以印花予以執照則任其所之別無釐稅其鄉村鎮市中巡緝人役由官派出嚴防土商收買私土之弊而不許私索土商之規費土商若遠行則沿途悉設保土局密加保護如此則土商咸願買官局之土餅而官局之基永固似此辦法名雖官局實即土行實收土之時各局劃定區域不出百數十里地闊而非闊及管土之際造土各遵定式畫貼印花真偽立辨勢與而非與且各省咸守畫齊畫一之章程土價無輕重之懸殊銷場無通滯之或異但在煙未禁絕之際販運者不愛其過逐吸食者不慮其改圖各局則獨握利權而無須股本不虞拆閱而坐享贏餘臣嘗考內地種煙之地約計五六十萬頃產土近四百萬石每石售銀近五百兩照二成抽取每石近百兩合四百萬石計之抽銀近四萬萬兩就令收成不及分押或藥料充數臣且折半計算歲入亦近二萬萬兩即再減半亦一萬萬兩可知平日之漏稅多矣 國家既得此大宗款項舉新政償債金數年之後大局漸定用款漸少于斯時也分年酌減種煙地故循設熬膏局以擇准吸准買之權不准商民干預初并不收膏捐但令吸煙者先買票彼少壯無慮之人不准買若無慮而買票則與有慮不買票者同科以重罰罰重而人不敢犯數十年後內地無復吸煙之人而洋藥土藥自然禁絕凡若此者以杜私為要義以禁煙為宗旨最大關鍵在 朝廷明罰以勸法督撫知人而善任督撫州縣之表率也督撫精白乃心切實辦事則中才之州縣皆變為能吏况禁煙之事人有同心籌款之法莫大於此由查故而收漿由收漿而造餅而熬膏

事事運以實心在在知其確數何戶種煙若干畝何地出漿若干石何商運土若干餅何縣吸煙若干人分年册報臣部以備稽查隨地示諭商民勿干重罰視官局如商局務使上下通情以維煙為禁煙務使公私兩益天下豈有不能辦之事惟在各州縣能以實心任之積久自獲大效耳即如此四百萬石之數臣亦從商家考核而知由是推之則一切辦法之中尙有未盡事宜各州縣一一留心則所費者未必不較臣部為多此臣部所以深望各督撫精擇各州縣也每行一政每辦一款百姓則動起浮言同官則好為異議督撫但堅以持之其事久而自定况此辦法不必並舉姑且先自查故始查故得其端緒則收漿造餅熬膏夫復何難倘有不即與辦及辦而別滋弊竇者則有 朝廷之法在是不得不請 朝廷嚴以議之此臣等所以謹擬分年禁法畫一辦法請 旨飭下各督撫迅速妥議早定斯局也竊或疑山西畝稅各省土鹽今忽發徵公用無著此中望極各督撫能勿心慮及之不知畝稅土鹽之舊額實由

山西畝稅各省土鹽今忽發徵公用無著此中望極各督撫能勿心慮及之不知畝稅土鹽之舊額實由

官局代收不過其名變耳曩者煙戶稅徵銀恒至夏季今者官局售土提銀均在夏初是收入之期且較舊時爲早曩者局卡抽釐私販偷濫四出今者官局提成萬商均歸一途是充納之數且較舊時爲多舊時各省外銷之款臣部不知今可相體託出臣部知其所虧之數核實劃撥以資協餉彼復何疑或又疑土藥之價輕於洋藥故人爭購食若提成過重土藥價昂叢雀淵魚不無可慮而臣亦不謂然土藥每石提銀百兩若分計之每土一兩不過提銀六分僅與湖北膏捐等耳又剷除出產稅落地稅及沿途各要隘層層剝削之釐捐與雜費成本較舊時土藥爲輕何云加重若與洋藥相較彼則有印度額稅重洋運費而每箱又納中稅一百一十兩莫出膏也土藥十得七八而洋藥則僅得十之五價值既賤銷行必暢此不待辨而自明開局之後卽不與印度申遞減之議亦不慮洋藥之侵入此則臣於禁煙一事留心有年考求舊法思通其國今已百難俱辦而深信所擬之法必可行煙將不禁而自禁也頃者出使義國

北洋官報

二

第五百四十五册

大臣許珏奏陳義國權煙大略擬請先就土藥整頓試辦又直隸總督袁世凱奏覆征收膏稅事體繁重請飭戶部籌議辦理一摺先後奉旨戶部議奏欽此臣竊見臣工條奏輒謂土藥以徵爲禁雖多取而非虐其實則征而已禁未能也况局卡愈密繞越愈多歧路未易稽查私土因而充斥不唯禁不能禁而且征無從征今若循舊說而共相籌議仍屬空談如或增新卡而力圖整頓似爲苛政臣反覆思之與其求征稅之方稅仍不旺不如行禁煙之策官可永除况乎不言征而稅實征於無形之中民之蒙其利者猶或俟諸異時國之收其利者不啻得之今日與許珏奏請整頓土藥袁世凱覆陳征收膏稅之旨猶不相背用是恭摺具陳上備聖明採擇伏乞

皇太后

皇上聖鑒訓示施行謹

奏

